

敕修陝西通志

第九
函十冊

陝西通志第八十一卷

紀事六

後梁

太祖開平二年夏六月蜀師岐師晉師攻雍州招討劉知俊拒却之
蜀遣將將兵會岐兵五萬攻雍州晉張承業亦將兵應之六月劉
知俊爲西路行營都招討使以拒之知俊及佑國節度使王重師
大破岐兵於幕谷晉蜀兵皆引歸

通鑑

開平二年六月丙辰邠岐來

寇芟害禾稼結營自固踰月同州劉知俊引所部兵擊退襲至幕

谷大破之俘斬千計收其生口器甲宋文通僅以身免

冊府元龜

秋九月同州劉知俊來獻捷

開平二年九月同州劉知俊以鄜延歸降將十人并捷表來獻

冊府

元龜

陝西通志 卷八十一
冬十月華原賊溫韜發唐諸陵

韜少爲盜後事李茂貞爲華原鎮將唐諸陵在其境內者悉發掘之取其所藏金寶昭陵最固韜從埏道下見宮室制度閎麗不異人間中藏前世圖書鍾王筆迹紙墨如新韜悉取之惟乾陵風雨不可發

五代史溫韜傳○按華原故城在今耀州境內

三年春二月取岐州鄜州三月取丹州四月取延州坊州

保塞節度使劉萬子暴虐失衆心且謀貳於梁李繼徽使牙將李延實殺之據延州指揮使高萬興與弟萬金以其衆數千人詣劉知俊降岐王置翟州於鄜城其守將亦降三月帝發步騎會萬興兵取丹延丹州刺史崔公實降四月劉知俊移軍攻延州李延實嬰城自守知俊遣白水鎮使劉儒分兵圍坊州知俊克延州延實降岐王所署保大節度使李彥博坊州刺史李彥昇皆棄城奔鳳

翔鄜州都將嚴弘倚舉城降梁以高萬興爲保塞節度使牛存節爲保大節度使遂命知俊乘勝取邠州知俊難之辭以闕食乃召

還

通鑑

夏四月帝如朝邑

開平三年四月壬寅車駕巡於朝邑縣界焦黎店冀王友謙及崇

政內諸司使扈從

冊府元龜

五月殺佑國軍節度使王重師以劉捍鎮長安

王重師鎮長安數年梁主怒其貢奉不時以劉捍爲留後捍至長

安重師不爲禮捍譖之云與邠岐通賜自盡夷其族

通鑑

六月劉知俊以同州叛降於岐

知俊功益高太祖性多猜忌屢殺諸將王重師無罪見殺知俊益懼不自安太祖已下鄜坊遣知俊攻邠州知俊以軍食不給未行

太祖幸河中使宣徽使王殷召知俊其弟知浣遣人告知俊以不宜來知俊遂叛臣於李茂貞以兵攻雍華執劉捍送於鳳翔太祖使人謂知俊曰朕待卿至矣何相負耶知俊報曰王重師不負陛下而族滅臣非背德但畏死爾太祖復使語曰朕固知卿以此吾誅重師乃劉捍誣我致卿至此吾豈不恨之耶今捍已死未能塞責知俊不報以兵斷潼關太祖遣劉鄩牛存節攻知俊知俊遂奔於茂貞

五代史劉知俊傳

丹州軍亂秋七月克丹州

開平三年六月乙卯丹州軍亂逐其刺史宋知誨秋七月乙丑克

丹州執其首惡王行思

五代史梁太祖紀

商州軍亂

七月商州軍亂逐其刺史李稠稠奔於岐

五代史

商州刺史李

稠驅士民西走將吏追斬之推押牙李玫主州事

通鑑

八月詔同華雍等州招諭逆黨

八月制左馮翊背叛元惡遁逃朕聞相濟之徒多是脅從之輩若能迴心向國轉禍全身當與加恩必不問罪仍令同華雍等州切加招諭如能梟斬溫韜或以鎮寨歸化必加厚賞仍獎官班兼委本界招復人戶切加安存

冊府元龜

九月延州刺史高萬興請增兵禦敵

高萬興爲延州刺史開平三年九月奏邠鳳賊百騎至韓家寨鄜

州請添兵於本佛寨犄角備禦

冊府元龜

冬十月康懷貞等及劉知俊戰於昇平敗績

岐王欲取靈州以處劉知俊使自將兵攻之朔方節度使韓遜告急詔康懷貞寇彥卿將兵攻邠寧以救之知俊聞之解還帝急召

懷貞等遣兵迎援於三原青谷懷貞等還至三水知俊據險邀之
左龍驤軍使王彥章力戰懷貞等乃得過懷貞與裨將李德遇等
分道而行皆與援兵不相值至昇平

唐天寶十二載分
宜君縣置昇平縣

知俊伏兵

山口懷貞大敗僅以身免德遇等軍皆沒

通鑑

四年春三月夏州亂殺節度使李彝昌

夏州都指揮使高宗益作亂殺節度李彝昌將吏共誅宗益推彝

昌族父李仁福爲帥仁福以聞四月以仁福爲定難節度使

通鑑

秋七月岐人晉人攻夏州遣兵拒却之

岐王遣使告晉請合兵攻定難節度使李仁福晉王遣周德威將
兵會圍夏州梁主恐晉兵襲西京遣兵屯三原遣李遇邀其歸路

岐晉兵皆解去

綱目

乾化元年春三月溫韜攻長安康懷貞等擊走之

岐王募華原賊帥溫韜以爲假子於華原美原置義勝軍以韜爲節度使使帥邠岐兵寇長安詔感化節度使康懷貞忠武節度使牛存節以同華河中兵討之懷貞等奏擊韜於車度

車度地名在長安北同州

界走之

通鑑

夏四月岐攻興元蜀兵擊卻之

蜀主之女普慈公主嫁岐王從子繼崇繼崇驕矜嗜酒蜀主召公主歸寧留之岐王怒始與蜀絕至是岐王聚兵寇蜀興元唐道襲擊却之

綱目

秋八月岐劉知俊擊蜀兵戰於青泥嶺敗之圍安遠軍

岐王使劉知俊李繼崇將兵擊蜀王宗侃王宗賀唐道襲王宗紹與之戰於青泥嶺蜀兵大敗王宗浩奔興州溺死於江唐道襲奔興元先是王宗綰城西縣號安遠軍宗侃等收散兵走保之知俊

通志卷八十一
繼崇追圖之

通鑑

蜀岐戰於興元岐師敗績

蜀王宗弼王宗播再敗岐兵蜀主如興元安遠軍望其旗王宗侃等鼓譟而出與援軍夾攻岐兵大破之拔二十一寨斬其將李廷志等岐兵解圍遁去唐道襲先伏兵於斜谷邀擊又破之岐王左右讒劉知俊岐王奪其兵李繼崇曰知俊壯士窮來歸我不宜以讒廢之知俊舉族居於秦州

綱目

十二月高萬興敗岐兵於邠州

十二月延州節度使高萬興奏領軍於邠州界蒿子谷常家砦殺戮寧慶兩州賊軍約二千餘人並生擒都頭指揮使及奪偽器等入奏名以銀器綵物賜之

冊府元龜

二年秋朱友謙叛襲邠州殺節度使徐懷玉

徐懷玉爲鄜坊節度使友珪旣篡立河中朱友謙拒命遣兵襲鄜州懷玉無備尋爲所虜囚於公館及友珪遣康懷英率師圍河中

友謙慮變玉遂遇害

冊府元龜

末帝貞明元年春三月岐邠州將李保衡來降

貞明元年三月岐邠州留後李保衡以城歸順保衡楊崇本養子崇本又李茂貞養子任邠州二十餘年去歲爲其子彥魯所毒彥魯權知州事五十餘日保衡殺彥魯送款於帝卽以保衡爲華州節度使以河陽留後霍彥威爲邠州節度使

冊府元龜

夏五月岐人圍邠州不克

岐王遣彰義節度使劉知俊圍邠州霍彥威固守拒之

通鑑

劉知俊

爲同州節度使奔李茂貞邠州亂茂貞命知俊討之時邠州都校尉李保衡納款於朝廷末帝遣霍彥威率衆先入於邠知俊遂圍

其城半載不能下會李繼崇以秦州降於蜀知俊妻孥皆遷於成

都遂解邠州之圍

冊府元龜

霍彥威事梁遷邠寧節度使李茂貞遣梁

叛將劉知俊攻邠州彥威固守踰年每獲知俊兵必縱還之知俊

德之後不復攻

五代史霍彥威傳

冬十一月蜀遣兵攻岐劉知俊奔蜀蜀克鳳州

劉知俊攻霍彥威於邠州半歲不克聞秦州降蜀妻子皆遷成都

解圍還鳳翔懼及禍夜率親軍斬關奔蜀軍王宗綰自河池進兵

會王宗瑤攻鳳州克之

綱目

初汴將劉知俊奔鳳翔李茂貞以爲大

將稍侵建之興鳳皆沒焉後知俊自岐奔蜀建厚禮之任爲上將

令擊茂貞復興鳳二州

冊府元龜

十二月岐人以耀鼎二州來降

岐義勝節度使李彥韜知岐王衰弱舉耀鼎二州降梁彥韜卽溫

韜也復姓溫氏名昭圖官任如故

綱目○按五代史溫韜傳李茂貞以華原縣爲耀州以美原縣

爲鼎州梁改耀州爲崇州鼎州爲裕州

二年冬十月蜀攻岐取寶雞遂圍鳳翔

蜀王宗綰等出大散關大破岐兵遂取寶雞王宗播等出故關至

隴州保勝節度使李繼岌畏岐王猜忌帥其衆二萬棄隴州奔於

蜀軍蜀兵進攻隴州以繼岌爲西北面行營第四招討會王宗綰

等圍鳳翔岐兵不出會大雪蜀主名軍還

通鑑

蜀通正元年遣王宗

綰等率兵十二萬出大散關攻岐取隴州

五代史王建世家

五年春三月蜀兵入岐

蜀王宗播等自散關擊岐度渭水破岐將孟鐸山會大雨而退入

兵戍興元鳳州及威武城

威武城在鳳州北蜀所築也

王宗昱攻隴州不克

通鑑

六年夏四月朱友謙以同州附晉

貞明六年友謙遣其子令德襲同州逐節度使程全暉因求兼鎮
末帝不許已而許之制命未至友謙復叛始絕梁而附晉矣

五代史朱

友謙傳

六月遣兵攻同州晉人救之秋九月師敗績

朱友謙以河中同州降晉梁遣劉鄩攻同州友謙求救乃遣存審
與李嗣昭救之河中兵少而弱梁人素易之且不虞晉軍之速至
也存審選精騎二百雜河中兵出擊鄩壘陽敗而走鄩兵追之晉
騎反擊獲其騎兵五十梁人知其晉軍也皆大驚然河中糧少而
新降人心頗持兩端晉軍屯朝邑諸將皆欲速戰存審曰使梁軍
知吾利於速戰則將夾渭而營斷我餉道以持久困我敗之道也
不若緩師示弱伺隙出奇可以取勝乃按軍不動居旬日望氣者
言夜有黑氣狀如鬪鷄存審曰可以一戰矣乃進軍擊鄩大敗之

鄒開壁不復出存審曰鄒兵已敗不如逸之乃休士卒遣裨將王建及牧馬於沙苑鄒以謂晉軍且懈乃夜遁去存審追及於渭河

又大敗之

五代史符存審傳

冬十一月蜀人侵岐

蜀王遣宗壽將兵伐岐攻隴州岐王自將屯汧陽蜀將陳彥威敗

岐兵於箭筈嶺

箭筈嶺在寶雞縣東北

蜀兵食盡引還

綱目

後唐

莊宗同光二年三月遣使按視長安諸陵

唐室諸陵先爲溫韜所發唐主以工部郎中李途爲長安按視諸

陵使

通鑑

秋八月蜀遣兵屯洋州

蜀主以右定遠軍使王宗鐸爲招討馬步使帥二十一軍屯洋州

以備唐

通鑑

三年秋九月命魏王繼岌郭崇韜伐蜀取鳳興州

後唐魏王繼岌同光三年九月爲西征都統伐蜀繼岌至鳳州僞

武興軍節度使王承捷以鳳興文扶四州降大軍食其芻粟得糧

四十萬兵士八千魏王給牒令攝武興軍節度使

冊府元龜

郭崇韜入

散關指其山曰吾輩進無成功不得復還此矣當盡力一決今饋

運將竭宜先取鳳州因其糧乃倍道而進王承捷以鳳興文扶四

州印節迎降得兵八千糧四十萬斛

通鑑

明宗天成元年夏四月魏王繼岌自蜀還至長安自殺

郭從謙殺莊宗明宗入洛稱監國魏王繼岌至興平聞亂復引兵

西謀保鳳翔退至武功李從襲曰退不如進請亟東行以救內難

繼岌從之還至渭水留守張錢已斷浮梁循水浮渡至渭南腹心

呂知柔等皆已竄匿從襲謂繼及曰時事已去王宜自圖繼爰徘徊流涕乃自伏於牀命李環縊殺之任圜代將而東華州都監李

冲殺從襲

通鑑

長興元年秋九月武功令薛文玉激亂降除之

薛文玉爲武功縣令長興元年九月西京奏武功縣百姓三千餘人持白棒入縣亂擊人吏分劫縣庫稅錢公廨什物尋差兵士捉到結集首領武功鎮將蹀跌琉等三十二人各招本罪稱縣令以大竿尺簡田所以衆心難抑其蹀跌琉准法科斷文玉罰七十直主簿李彥柔罰五十直並勒停

冊府元龜

冬十二月遣安重誨督西征諸軍

長興元年十二月遣樞密使安重誨赴西面軍前時帝以蜀路險阻進兵艱難潼關以西物價絕賤百姓般糧往利州每費一斛不

得一斗至令噍類攘攘逃竄山谷或聚爲盜慮不堪命帝念饋輓之苦形於顏色謂近臣曰關中勞擾軍前未有成功孰能辦吾事者朕湏自行重誨奏曰此臣之責也臣今請行許之言訖面辭翼一日發赴軍前

冊府元龜

三年春正月遣兵擊党項破之

樞密使范延光言自靈州至邠州使臣及外國入貢者多爲党項所掠請發兵擊之遣靜難節度使藥彥稠前朔方節度使康福將兵七千討党項二月藥彥稠等奏破党項十九族俘二千七百人

通鑑

藥彥稠明宗時授邠州節度使詔會兵制置鹽州蕃戎逃遁獲

陷蕃士庶千餘並遣復鄉里

冊府元龜

四年春三月命李彝超徙鎮延安彝超拒命

定難節度使李仁福卒軍中立其子彝超爲留後先是關西諸鎮